庫全書

子部

欽定四庫

全書一禪林僧實傳卷四至

詳校官監察御史臣王爾烈 檢討臣何思釣覆勘

校對官主簿臣汪日賛 總校官無吉士臣倉 聖脉 **腾绿監生臣曹夢龄**

欽定四庫全書 大きりは いたう **禅林僧賓傅** 提要 撰惠洪字覺範筠州人禪宗自六祖以後分 臣 而為二一日青原其下為曹洞雲門法眼 祐中達觀曇顏當為之傳載其機縁語句而 日南岳其下為臨濟満仰是為五家宗派嘉 等謹案禪林僧寶傅三十二卷宋釋惠洪 禪林僧實傳 子部十三 釋家類

金万四月有量 禄錢塘風篁山僧廣遇慮其湮沒因校雙錄 陥 于四明者疑為重殺之本也陳氏書録解 教忠報國禪寺住持比丘實定刊板又似 梓與諸方共之然卷末題明州府天慈名山 而 作三十卷文獻通考作三十二卷益惠洪原 其終始行事惠洪因級輯舊聞各為之傳 係以替凡八十一人原本前有寶慶丁亥 [ال 張宏敬序稱舊本藏在廬阜後失于回 刻 魍

書本三十卷後有補禪林僧寶傳為舟峰養 僧慶老撰慶老亦北宋人復有臨濟宗古 年正月恭校上 卷亦惠洪撰故為三十二卷云乾隆四十四 總 總管官紀的 陸錫熊 孫士教 校 官 臣陸 費

!				

自 髮周遊祭請必至於發明已事而後已蓋有或因言而 歸薩姿若海然欲識佛性義當觀時節因緣從古明大 摩竭掩室毗耶杜口以真實際離文字故自曹溪滴水 派別五家建立綱宗開示方便法源一濬波流益洪 不同尚非具載本末則後學無所考證此僧暫傳之 林僧গ传原序 入或目擊而道存一刹那間轉凡成聖時節因緣 (莫非瑰瑋傑特之材不受世間繩東是以披緇 平木 胃 子馬 同 各

|飲定四庫全書 書知其志趣千里同風且見遇與覺範與八十一人者 在廬阜後失於回禄錢塘風篁鏡之僧廣遇慮其湮沒 靈山一會儼然未散不為分外實慶丁亥中春上幹臨 燭袖其書以歸屬予為一轉語予與遇未覿面今披是 所由作也是書之傳有年矣白壁繅籍見出愛慕舊藏 用 即舊本校讐録梓以與諸方共之十餘年而書始成其 把臂並行若有因書省發得意忘言即同入此道場則 心亦勤矣魏亭趙元藻一見遇於湖山之上慧炬相

		川張宏敬書
平床 間質 身		
-		

	ן נ

莆田黄氏子幼而奇逸為書生不甘 禪師青原六世 九山六年乃刺髮受具成 絕林下价不知也中 公依止十餘年价以為類 解去价曰三更當來授 撰 無語如臨實鏡形影相觀汝不是渠渠正是汝如世嬰 差落飯行背觸俱非如大火聚但形文彩即屬染污夜 之法佛祖密付汝今得之其善保護銀盃盛雪明月藏 盗法倒屙無及矣後皆如所言實鏡三昧其詞曰如是 拜趙出矮師叔引頸呼曰洞山禪入我手矣价大驚曰 授章先雲嚴所付實鏡三昧五位顯訣三種滲漏畢再 半正明天曉不露為物作則用拔諸苦雖非有為不是 爲類之弗齊混則知處意不在言來機亦赴動成東白

欽定四庫全書

人

本作智力

檀度隨其顛倒以緇為素顛倒想滅肯心自許要合古 7. 17. IL 7. 1-通 通途挾帶挾路錯然則吉不可犯忤天真而妙不屬迷 盡成五如堂草味如金剛杵正中妙挾敢唱雙舉通宗 終必得物語未正故重離六交偏正回互疊而為三變 兒 不應律吕今有賴漸緣立宗趣宗趣分矣即是規矩宗 悟因縁時節寂然昭著細入無間大絕方所毫忽之差 |趣極真常流注外取中搖係駒伏鼠先聖悲之為法 五相完具不去不來不起不住婆婆和和有句無句 單体習慣專

識 轍 隱隱猶懷昔日嫌偏中正失曉老婆逢古鏡分明觀 偈 以有下劣實几珍御以有驚異萬奴白枯昇以 更無他休更迷頭猶 潛行密用如愚若魯但能相續名主中主五位 到寧容思慮臣奉於君子順於父不順非孝不奉 其詞曰正中偏三更初夜月明前莫怪相逢不 百步箭鋒相直巧力何預木人方歌石兒起舞非 請觀前古佛道垂成十劫觀樹如虎之缺如馬之馵 認 影正中 來無中有路出塵埃但 13 君 相 力 情 面

舒定四库全書

敵倡俱行偈曰金針雙鎖備挾路隱全該實印當空妙 **滲漏其詞曰一見滲漏謂機不離位墮在毒海二情滲** 重重錦縫開其二名金鎭玄路偈曰交互明中暗功 終始學者濁智流轉不出此三種綱要偈三首其一 漏 有無誰敢和人人盡欲出常流折合終歸戾東坐三種 回避好手還同火裡蓮宛然自有冲天氣無中到不洛 謂智常向背見處偏枯三語滲漏謂體妙失宗機昧 軍本官所身 名

不觸當今諱也勝前朝斷舌才偏中至兩刃交鋒要

分 此等衣線下理須會通向上事莫作等間岩也承當處 水因定居馬以志慕六祖乃名山為曹示衆曰僧家在 黎明章出山造曹溪禮祖塔自螺川還止臨川有佳山 轉覺難力窮尋進退金鎖網鞔輓其三名理事不涉偈 得自己則一切廳重境來皆作得主宰假如泥裏倒地 直饒學得十成却須向他背後义手說什麽大話岩轉 曰理事俱不涉回照絕幽微背風無巧拙電火爍難追 明即轉他諸聖向自己背後方得自由若也轉不得

欽定四庫全書

劫坐道場佛法不現前不得成佛道言劫者滞也謂之 宣非作得主宰轉得歸自己乎如經曰大通智勝佛十 亦作得主宰如有僧問樂山曰三乘教中還有祖意也 汝不見南泉曰饒汝十成猶較王老師一 守住耽著名為取次承當不分貴賤我常見叢林好論 無荅曰有曰既有達磨又來作麽荅曰只為有所以來 十成亦曰斷滲漏也只是十道頭絕矣不忘大果故云 般兩般還能成立得事麼此等但是說向去事路布 線道也大難

事到此直須子細始得明白自在不論天堂地獄餓鬼 畜生但是一切處不移易元是舊時人只是不行舊時 得輪迴汝道作麼生只如今人說 箇淨潔處變說向去 路岩有忻心還成滯著若脱得揀什麼古德云只恐不 是犯戒者也如今說破齊破戒即今三羯磨時早破了 只如佛味祖味盡為滯著先師曰擬心是犯戒若也得 事此病最難治若是世間麤重事却是輕淨潔病為重 是破齊且與什麽作味只是佛味祖味總有竹心便

欽定匹庫全書

本代写白

渴來飲水岩能恁麽不愁不成辨不見道計較不成是 辨予皆是生滅心所以不如黧奴白枯兀兀無知不知 如 潔此乃重無以加也祖師出世亦只為者箇亦不獨為 汝今時莫作等間黧奴白枯修行却快不是有禪有道 也若是廳重貪項凝雖難斷却是輕若也無為無事淨 知有乃能披毛戴角牽肆拽表得此便宜始較些子 汝種種馳求覚佛覚祖乃至菩提涅槃幾時休歇成 不知祖乃至菩提涅槃及以善惡因果但餓來與草

慚愧懈怠菩薩亦曰變易生死尚恐是小懈怠在本分 不見彌勒阿閦及諸妙喜等世界被他向上人唤作無 永嘉云莽莽荡荡招殃禍問如何是芥芥荡荡招殃禍 得主宰即是不變易若作主宰不得便是變易也不見 雖然沒用處要且離他不得須與他作主宰始得若作 侵他不得恁麼體會修行莫越快利欲知此事饒今成 佛成祖去也只者是便墮三塗地獄六道去也只者是 事合作麽生大須子細始得人入有一坐具地佛出世

欽定四庫全書

页

在村門官員

£

如何是枯木裏龍吟諸曰指帶喜在又問如何是髑髏 有僧問如何是道閉曰枯木裏龍吟又問如何是道中 變易若不變易直須觸處自由始得香嚴問禪師會中 重之事但知有便得不要免免即同變易去也乃至成 人閉日髑髏裏眼睛其僧不領辭至石霜問諸禪師曰 佛成祖菩提涅槃此等殃禍為不小因什麽如此只為 但是菩提涅槃煩惱無明等總是不要免乃至世問廳 日八者箇總是問日如何免得日知有即得用免作麼

次定四年全等 一

禅林僧實傳

萬事悉皆如又問如何是紙衣下用其僧前而拱立曰 乾不盡又問有得聞者否章曰盡大地未有一人不聞 裏龍吟章曰血脉不斷又問如何是髑髏裏眼睛章曰 東眼睛諸曰猶帶識在又不領乃問章曰如何是枯木 金り下 者自洞山來章問如何是紙衣下事僧曰一来總挂體 消息盡常人那辨濁中清有僧以紙為衣號為紙衣道 又問未審是何章句章曰不知是何章句聞者皆喪乃 偈曰枯木龍吟真見道髑髏無識眼初明喜識盡時

万人門里

決章曰正位即空界本來無物偏位即色界有萬形像 岩向句中全晓會了然無事告時人僧問五位君臣古 覺性圓明無相身莫將知見妄疎親念異便於玄體昧 眼口一靈真性不假胞胎時如何章曰未是妙僧曰如 諾即脱去章英曰汝但解恁麼去不解恁麼來僧忍開 心差不與道為隣情分萬法沈前境識鑒多端喪本真 何是妙章曰不借借其僧退坐於堂中而化章作偈曰

次至可氧心的 !

偏中至者捨事入理正中來者肯理就事無帶者冥應

極林僧實傳

合曰混然無內外和融上下平又曰以君臣偏正言者 明 者真宗從上先德推此一位最妙最玄要當審詳辨明 衆緣不隨諸有非染非淨非正非偏故曰虚玄大道無 君 偏君臣道合是兼帶語問如何是君曰妙德尊蒙宇高 如 君為正位臣是偏位臣向君是偏中正君視臣是正中 朗太虚問如何是臣曰靈機宏聖道真智到奉生問 視臣曰妙容雖不動光燭不無偏問如何是君臣道 何是臣向君曰不墮諸異趣疑情望聖容問如何是

かりて

压力量

偈曰學者先須識自宗莫將具際雜頹空妙明體盡知 者 見是金鎖玄路直須回互夫取正命食者須具三種鹽 伤觸力在逢緣不借中出語直教燒不者潛行須與古 是什麽墮曰是隨墮問不受食是什麽墮曰是尊貴墮 人同無身有事超歧路無事無身落始終又曰凡情聖 不欲犯中故臣稱君不敢斥言是也此吾法之宗要作 者披毛戴角二者不斷聲色三者不受食有稠布衲 問曰披毛戴角是什麼墮章曰是類墮問不斷聲色

Na.)- ... 1.1- |

神林 悄實傳

渠無我即死 取食食者正命食也食者亦是就六根門頭見覺聞知 作偈又注釋之其詞曰渠本不是我我本不是誤非 只不被他孫污將為墮且不是同也章讀杜順傅大士 維摩曰外道六師是汝之師彼師所墮汝亦隨墮乃可 夫冥合初心而知有是類墮知有而不礙六塵是隨堕 我如果即驢二俱不食空王俸者遇御飯何假為傳 作法身偈曰我意不欲與麽道門弟子請別作之既 取活我無張即余有別果如我是佛要且何汝

多定四库全書

幾度達春不變心棋客見之猶不 採郢人何事苦搜尋 白雪 書信 我說橫身唱唱信君者十上毛相似 道盡禮致之不赴但書偈付使者曰摧殘枯木倚寒林 展時吾行脚去及時焚香宴坐而化閱世六十有二坐 五章曰曹山平生行脚到處只管九十日為一夏明日 天後辛酉夏夜問知事今日是幾何日月對曰六月十 三十有七夏門弟子葬全身於山之西阿塔曰福圓 くこうえ ここう 白雪 的 清 有恐是巴歌南州的南平鍾王雅聞章有 椰林僧實傳

乍

如謠

英護法之志也 使法中龍象神而明之盡微細法執與洞上之宗亦世 之出以授余日子當為發揚之因疏其溝對以付同學 赞曰實鏡三昧其詞要妙雲嚴以授洞山疑樂山所 塘過信州白華嚴得於老僧明年持其先公服余往 見於禪書大觀二年冬顯謨閣待制朱彦世英赴官錢 也先德懼屬流布多珍秘之但五位偈三種滲漏之 銀灰四屆全書 禪林僧寶傳卷一

道道偃驚不暇各乃推出曰秦時輕樂鐵隨掩其扉損 物凝遠博通大小乘棄之将方初在睦州開有老宿 欽定四庫全書 參古寺掩門織蒲優養母往謁之方扣門老宿 揕之曰 骨面豐類精銳絕倫目纖長瞳子如點添眉秀近睫視 禪師名文偃姑蘇嘉與入也少依兜率院得度性豪與 禪林僧實傳卷二 韶州雲門大慈雲弘明禪師 軍林智質傳 釋惠洪 青原 セせ 撰 飽

方堆桅坐為衆説法偃犯衆出熟視曰項上三百斤鐵 偃右足老宿名道蹤嗣黄蘗斷際禪師住高安米山寺 用 **示衆曰法身有三種病二種光須是一一遠得更有照** 以母老東歸叢林號陳尊宿偃得旨辭去謁雪峰存存 偃以拄杖獵出又自驚慄自是輩流改觀又訪乾峰峰 存心異之明日陞座日南山有鼈鼻蛇諸人出入好看 同時向上一竅偃乃出衆曰庵内人為什麼不見庵 何不脱却存曰因甚到與麽偃以手自拭其目趨去

欽定四庫全書

ここりを たい 學人畜得章曰汝作麼畜曰者衣與飯有什麼雜章曰 常住苗稼者曰便與麼去時如何章曰汝還畜得麼曰 坐偃應啱站又訪曹山章公問如何是沙門行章曰喫 道將一句來曰請高聲問仁即高聲問偃笑曰今早喫 **粥麽仁曰喫粥曰亂叫喚作麽仁公駭之又過九江有** 什麽心行曰也要和尚相委乾峰曰直須恁麼始得穩 外事於是乾峰大笑曰猶是學人疑處在乾峰曰子是 何不道披毛戴角偃即禮謝又訪疎山仁仁問得力處 部林智賀傳

講師如何是衲僧行脚事曰曾問幾人來曰即今問 陳尚書飯偃而問曰儒書即不問三乘十二分教自有 為對妄想作麽生是教意尚書無以酬之偃曰聞公常 座偃曰即今且置作麽生是教意曰黄卷赤軸偃曰此 看法華經是否曰不敢曰經曰治生産業皆與實相不 而慮忘偃曰口欲談而解喪為對有言心欲緣而慮忘 是文字語言作麼生是教意曰口欲談而解喪心欲緣 相違背且道非非想天有幾人退位又無以酬之偃呵

多灾四周全書

譏之而去造 曹溪禮塔訪 靈樹敏公為第一座先是敏 怡然坐而殁王果至聞敬己化大驚問何時有疾而遽 **衛矣姑待之少日偃至敏迎笑曰奉遲甚久何來暮耶** 敏曰吾首座已行脚悟道久之又請敏曰吾首座已度 J. 12. 1. 1. 1. 七如是耶侍者乃出奩子如敏所誠呈之王發極得簡 即命之偃不解而就職俄廣主劉王将興兵就敏决可 不請第一座有勘請者敏曰吾首座已出家久之又請 否敏前知之手封奩子語侍者曰王來出以似之於是 學本曾野專

法席又迎至府開法俄遷止雲門光泰寺天下學者望 我指將來與什麼作佛與什麼作祖與什麼作山河大 且是箇什麽事如今抑不得已且向諸人道盡大地有 麽我此間即不如此良久曰汝還見壁麽又曰從上來 風而至示衆曰江西即說君臣父子湖南即說他不與 地 什麽物與汝為緣為對若有針鋒許與汝為隔為礙 與 口人天眼目堂中上座劉王命州牧何承範請偃繼其 日月里展將什麼為四大五蘊我與麼道喚作三家

钛灾匹庫全書

老十八年

敢望汝出來性躁把老僧打一摑且緩緩予細看是有 曰盡乾坤一時将來著汝眼睫上汝諸人聞恁麼道不 拽向陷下有什麼罪過雖然如是據箇什麼道理便與 村裏老婆說話忽然遇著本色行脚漢聞與麼道把脚 還有問宗乘中話者麼待老漢各一轉了東行西行 麽莫趁口快向者裏亂道須是箇漢始得忽然被老漢 無是箇什麼道理直饒汝向者裏明得若遇衲僧 跟下尋著沒去處打脚折有什麼罪過即與麼如今

ī

軍本智行學

前尋言逐句求冤解會千差萬別廣設問難贏得一場 十二分教宣是無言因什麼道教外別傳若從學解機 汝言中有響句裏藏鋒瞬目十差風恬浪静又曰找事 早是作死馬醫雖然如此且有幾箇到此境界不敢望 尚縱橫十字說與我拓針鋒許説底道理來看與麼道 口滑去道轉遠有什麽歇時此箇事若在言語上三乘 不獲已向汝道直下無事早是相埋沒也更欲踏步向 下好槌脚折又曰三乘十二分教横説竪説天下老和

欽定四庫全書

在本竹里打

鬱單越人見汝搬柴不易在中庭裏相撲供養汝更為 曾道著一字終日著衣喫飯何曽觸一粒米掛一縷絲 然猶是門庭之說須是實得與麼始得若約衲僧門下 是得底人道火何曽焼口終日説事何曽挂著牙齒何 智得只如十地聖人說法如雲如雨猶被佛呵謂見性 偃以足跛甞把拄杖行見衆方普請舉拄杖曰看看北 句裏呈機徒勞竚思直饒一句下承當得猶是瞌睡漢 隔羅殼以此故知一切有心天地懸殊雖然如是若

とこうほから

禪林僧寶傳

故衆環擁之久不散乃曰汝諸人無端走來者裏覓什 汝念般若經曰一切智智清淨無二無二分無別無斷 得已自誦三平偈曰即此見聞非見聞回視僧曰喚什 麽老僧抵管喫飯屙屎别解作什麽汝諸方行脚參禪 多月四月全書 聲色又曰箇中若了全無事謂僧 曰有什麼事又曰體 麽作見聞又曰無餘聲色可呈君謂僧曰有什麽口頭 問道我且問汝諸方參得底事作麼生試舉看於是不 用無妨分不分乃曰語是體體是語舉拄杖曰拄杖是

體燈龍是用是分不分不見道一切智智清淨又至僧 亦空千品萬類悉皆同汝立不見立行不見行四大五 麽生是回互曰汝喚什麽作板頭永嘉云如我身空法 問作麼生是不回互偃以手指曰者箇是板頭又問作 堂中僧爭起迎偃立而語曰石頭道回互不回互僧便 飯喚什麽作飯何處更有粒米來僧問生法 不可得何處見有山河大地來是汝每日把益孟噇 師 日敬空

Pulous dian

作響擊木無聲如何偃以拄杖空中敲曰阿耶阿耶

椰林僧寶傳

留 擊板頭曰作聲麼僧曰作聲曰者俗漢又擊板頭曰喚 乃 和尚京中與麵多開擊齊鼓曰鼓聲咬破我七條乃指 Ð 什麽作聲偃以乾祐元年七月十五日赴廣主詔至府)盡大地是箇法身枉作箇佛法知見如今拄杖但喚 且問汝六十七日事作麼生衆莫能對偃曰何不道 止供養九月甲子乃還山謂衆曰我離山得六十七 曰因皮置得我尋常道一切聲是佛聲一切色是佛 曰抱取猫兒來良久曰且道鼓因甚置得衆無對者

多为口屋石書

常住忽起立以拄扶擊繩床曰適來許多葛藤貶向什 碧漢晉鋒八博擬何憑又曰是機是對對機迷闢機塵 麼處去也靈利底見不靈利底者我熟燙偃契悟廣大 法身是法住法位世間相常住舉柱杖曰拄杖子不是 偈曰康氏圓形滯不明魔深虚喪擊寒水鳳羽展時超 其遊戲三昧乃如此而作為偈句尤不能測如其綱宗 鹤夷嶽盈壑然後為無異者哉但長者長法身短者短 作拄杖見屋但喚作屋又曰諸法不異者不可續尾截

てこりまたと

與林門質例

· 無笑我者多哂我者少每顧見僧即曰鑒咦而録之者 時光藤林荒徒人意滯肌尪又曰咄咄吐力目希禪子 **討中眉콾又曰上不見天下不見地塞却咽喉何處出** 遭得顧鑑咦任是張良多智巧到頭於是也難施偃以 遠遠塵棲夕日日中誰有掛因底底事隔塵述又曰喪 口顧鑒咦徳山器禪師刑去顧字但曰鑒咦叢林目 南漢乾和七年四月十日坐化而示即大漢乾祐二年 為抽飯項北塔祚禪師作偈曰雲門飯鑒笑嘻嘻擬議

多页 四月全書

塔見偃顔貌如肯髭髮猶生具表以聞有旨李托迎至 贊曰余讀雲門語句驚其辯慧渦旋波險如河漢之無 真弘明大師 在塔久可開塔乎托時奉使韶州監修營諸寺院因得 紹莊之語奏聞奉聖旨同韶州牧梁延鄂至雲門山改 阮紹莊夢偃以拂子招曰寄語秀華宫使特進李托我 ン・ラムン・ 也以全體葵之本朝太祖乾徳元年雄武軍節度推官 師供養月餘送還山仍改為大覺禪寺諡大慈雲匡 華木的問專

然個坐胡床廣額平頂類宣律師奇智盛徳果不可以 世亞聖大人者乎 得而名狀所可知而言者春容月影耳嗚呼豈所謂命 相貌得耶公之全機大用如月臨衆水波波頓現而月 極也想見其人竒偉傑茂如怒思大達輩及見其像顏 不分如春行萬國處處同至而春無迹蓋其妙處不可 禪林僧寳傳卷二

鉢定匹库全書

魁壘有英氣於書無所不觀然無經世意父兄强之仕 欽定四庫全書 師諱延沼以偽唐乾寧三年十二月生於餘杭劉氏少 至京師即東歸從開元寺智恭律師剃髮受具将講 禪林僧寳傳卷三 汾州太子昭禪師 汝州風穴沼禪師 汝州風穴沼禪師南岳八世 宋 汝州首山念禪師 釋惠洪 撰

及民日東白島 I

禪林僧賢傳

時僧守廓者自南院颙公所來華嚴陞座曰若是臨濟 禮拜起指以顧衆曰者老漢一場敗無喝一喝歸衆風 謁越州鏡清は禪師機語不契北遊襄沔間寓止華嚴 肆玩法華之義修止觀定慧宿師爭下之棄去游名山 如是耶廓使更見南院問曰入門須辨主端的請師分 穴心竒之因結為友逐黙悟三玄旨要嘆曰臨濟用處 單刀直入廓出衆便喝華嚴亦喝廓又喝華嚴亦喝廓 他山高亭大愚鳥窠船子下兒孫不用如何若何便請

金罗口屋台書

者何人對曰襄州與廓侍者同夏南院曰親見作家風 院日左邊一拍且止右邊一拍作麼生風穴日瞎南院 穴於是俯就弟子之列從容承稟日聞智證南院曰汝 問汝曰亦不可放過便禮拜南院喜賜之坐問所與将 詐言不飢南院曰子到此間乎曰是何言趣南院曰好 反取往杖風穴笑曰盲柳瞎棒倒奪打和尚去南院倚 南院左拊其膝風穴便喝南院右拊其膝風穴亦喝南 杖曰今日被黄面湖子鈍置風穴曰大似持鉢不得

人とり見から 一

禅林僧實傳

却渠平生如師子見即殺人及其將死何故屈膝安尾 **乘願力來荷大法非偶然也問曰汝聞臨濟將終時語** 即墮聖解學者大病先聖哀之為施方便如楔出楔 乎對曰親承入室之真子不同門外之遊人南院額 不曰聞之曰臨濟曰誰知吾正法眼藏向者瞎驢邊滅 如 如此對曰密付將終全主即滅又問三聖如何亦無語 何是奪人不奪境曰新出紅爐金彈子遭破闍黎鐵 問汝道四種料簡語料簡何法對曰凡語不滯凡情 D

到好口屋有書

前錯又問如何是第三句臨濟曰但看棚頭美傀儡抽 擬議主賓存風穴隨聲便喝又曰如何是第二句臨濟 億江南三月裏鷓鴣啼處百花香又問臨濟有三句當 急急促鞭當鞅莫遅遅又問如何是人境俱不奪曰常 日妙解豈容無者問温和爭赴截流機風穴曰未問已 日有問如何是第一句臨濟曰三要印開朱點窄未容 くいしり と こ・・・ 軍外曾到再

雲初錠影猶存又問如何是人境俱奪曰躡足進前須

面門又問如何是奪境不奪人曰勢草乍分頭腦裂亂

牽全籍東頭人風穴曰明破即不堪於是南院以為可 脂單丁者七年檀信為新之成叢林偽晉天福二年州 如逃亡人家問田父此何所田父曰古風穴寺世以律 止六年辭去後 唐長與二年至汝水見草屋數樣依山 牧聞其風盡禮致之上元日開法嗣南院偽漢乾祐 我居之可予田父曰可風穴入留止日乞村落夜燃松 以支臨濟幸不孤負與化先師所以付託之意風穴依 居僧物故又歲飢衆棄之而去餘佛像鼓鐘耳風穴曰

多灾四库全書

是向來依他作解明昧兩歧與汝一切埽却直教箇箇 年牧移守郢州風穴又避冤往依之牧館於郡齊冠平 言前薦得猶為滯殼迷封句下精通未免觸途狂見應 凡參學眼目直須臨機大用現前勿自拘於小節設使 將問來問會麼問在各處各在問處雖然如是有時問 **席冠天下學者自遠而至陞座曰先師曰欲得親切莫** 汝州有宋太師者施地為實坊號新寺迎風穴居馬法 不在谷處谷不在問處汝若擬議老僧在汝脚跟底大 軍亦自門等

時莫有善其機者偽周廣順元年賜寺名廣慧二十 其左膝曰者東是欲識老僧麼拊其右膝曰者東是於 僧亦能悟却天下人亦能瞎却天下人欲識闍黎麽拊 黎無分全是老僧於此不明老僧即是闍黎闍黎與老 野老顰頭不立一塵家國喪亡野老安貼於此明得闍 正 如師子兒吒呀地對衆證據處吼一聲壁立千切誰敢 一年以宋開實六年癸酉八月旦日登座說倡曰道在 眼覷若覷若即瞎却張眼又曰若立 塵家國與盛 有

欽定匹庫全書

作写白

目以為念法華至風穴隨衆作止無所參扣然終疑教 為人簡重有精識專修頭随行誦法華經叢林畏敬之 山念禪師 **閱世七十有八坐五十有九夏有得法上首住汝州首** 香煙夜夜燈至十五日跏趺而化前一日手書別檀越 **乘時須濟物遠方來慕自騰騰他年有與情相似日** 師諱省念生狄氏來州人也幼棄家得度於南禪寺 汝州首山念禪師 南岳九世 E

次記四華全等 I

禪林僧寶傳

Ь

與真上座俱詣方丈風穴問真曰如何是世尊不說 **抬言不說而說又成埋沒先聖語未卒念便下去侍者** 外有别傳之法不言也風穴每念大仰有讖臨濟一 進日念法華無所言而去何也風穴曰渠會也明日念 陛座曰世尊以青連目顧迎禁正當是時且道箇什麽 至風而止懼當之熟視座下堪任法道無如念者一日 如何對曰動容揚古路不墮悄然機風穴謂真曰何 日鵓鴣樹頭鳴風穴日汝作許多凝福何用乃顧念 宗

問僧不從人薦得底事試道看僧便喝曰好好相借問 之留者才二十餘輩然天下稱法席之冠必詣首山嘗 之又問僧近離何處曰襄州曰夏在何處曰洞山念曰 方大自是聲名重諸方首山在汝城之外荒遠處而念 惡發作麽僧又喝念曰今日放過即不可僧擬議念喝 居之將終身馬登其門者皆叢林精練衲子念必勘驗 不看渠語又一日陞座爾視大衆念便下去風穴即歸

欠足四軍全馬

還找洞山鼻孔來僧曰不會念曰却是老僧罪過又問

禪林僧賢傳

此二途速道曰昨夜宿長橋念曰與麽則合喚首山棒 因 日 念 僧近離何處對曰襄州曰有事相借問得麽對曰便請 念曰誰僧不對曰識得汝也僧笑念曰更莫是別人麼 僧近離何處對曰廣慧曰穿雲不渡水渡水不穿雲離 <u>e</u> 作偈曰輕輕踏地恐人知語笑分明更莫疑知者只 曰尚未參堂曰兩重公案僧曰恰是念曰耶耶又問 日鷂子過新羅僧入室念便喝其僧禮拜便打之僧 何是不生不滅法曰新羅人实冷淘夜有僧入室

金罗中西人

令猛提 取莫待天明失却雞當謂眾曰佛法無多子只 喝亂喝尋常向汝道實即始終實主即始終主實無 馳求所以到者裏假如便是釋迦佛也與汝三十棒然 是汝輩自信不及若能自信千聖出頭來無奈汝 實主無二主若有二實二主 即是两个瞎漢又曰我若 也未良久曰若得與麽方名無事又曰諸上座不得胡 如此為向汝面前無開口處祇為汝自信不及向外 如是初機後學憑箇什麼道理且問汝輩還得與麼 輝林僧賢傳 何 何

てこりを ここ

立汝須坐我岩坐汝須立坐即共汝坐立即共汝立雖 臨濟日今日更不用如何若何便須單刀直入還有出 得掠虚好他時後日賺著汝有事近前無事珍重因舉 何故如此如隔愈見馬騎相似既然如此直須子細 又喝臨濟亦喝僧禮拜臨濟曰須是者僧即得若是别 來對衆證據者麼時有僧出禮拜起便喝臨濟亦喝僧 如是到者裏著眼始得若也定動中問即千里萬里 棒較不得為者僧會實主句他一喝不作 不

多定四周全書

近上流博問先知自己親證始得莫與麼掠虚過却平 所以老僧尋常向汝道者裏一喝不作一喝用有時以 麽横喝竪喝總喚作好道理商量却既知如此也須親 金剛王寶劔若作問行來時須急者眼始得若作探竿 尿出始得若作金剛王寶劔用時天王也須腦裂只與 影草時你諸人合作麼生若作踞地師子時野干須屎 喝用且道前一喝是後一喝是那个是實那个是主 作問行有時作探竿影草有時作路地師子有時作

とうかはない

神林僧賢傅

金月四屋石書 偈曰吐哉拙郎君素潔條然巧妙無人識軍機非 生他時後日 因果歷然僧問學人乍入叢林乞師指示 鳳林開強性 者靴水上立 異咄哉巧女兒分 日闍黎在老僧會多少時對日已經冬夏日莫錯舉似 也 不識全 乃曰若諭此事實不掛一元字脚便下座皆作綱宗 粮梭不解織 馬加看他關難人 四十輩老於實應淳化三年十二月初四日留僧過 能員 順念道被天下移實安山廣教院眾不 갋 惠三 争功 旁觀審騰距 自傷水牛 打破 陽

暗盡時都不照日輪午後示全身日午後泊然而化闍 座解眾日諸子謾波波過却幾恒河觀音指彌勒文殊 **歲作偈曰吾今年邁六十七老病相依且過日今年記** 維得五色舍利塔於首山嫡專昭禪師 不奈何良久曰白銀世界金色身情與無情共一真明 取明年事明年記著今年日至明年十二月初四日陞 汾州太子昭禪師南岳十世

大王司百人

師諱善昭生俞氏太原人也器識沈邃少緣飾有

神林悄實傳

而亡狐告厭世相剃髮受具杖策遊方所至少留不喜 觀覽或譏其不韻昭嘆之曰是何言之陋哉從上先德 智於一切文字不由師訓自然通曉年十四父母相 五位參尋切要知纖毫纔動即差違金剛透匣誰能晚 方見老宿者七十有一人皆妙得其家風尤喜論曹洞 行脚正以聖心未通驅馳决擇耳不緣山水也昭歷諸 石門徹禪師者益其派之魁竒者昭作五位偈示之曰 有那吒第一機舉目便令三界静振鈴還使九天歸 繼

金月四月石書

惠三

公茂宗以四名剃請昭擇之而居昭笑一夕遯去北抵 是我放身命處服勁甚久辭去遊湘衡間長沙太守張 再三捞槐始應知有問者曰見何道理便爾自肯曰正 處絕狐蹤於是大悟言下拜起而曰萬古碧潭空界月 終疑臨濟兒孫別有竒處最後至首山問百丈卷簞意 襄沔离止白馬太守劉公昌言聞之造謁以見晚為歎 旨如何曰龍袖拂開全體現昭曰師意如何曰象王行

正中妙挾通回互擬議鋒鋩失却威徹拊手稱善然昭

友民日耳 Ann

禪林僧賢傳

時 如來大法者令何時而欲安眠哉昭矍然起握聰手曰 識憂宗古墜滅幸而有先師先師已棄世汝有力荷擔 遭沙門契聰迎請住持汾州太平寺太子院昭閉關高 卧不答淳化四年首山殁西河道俗千餘人畅心削 榆口我長行粥飯僧傳佛心宗 非細職也前後八請堅 枕聰排闥而入讓之曰佛法大事静退小節風穴懼應 洞山谷隱皆虛席衆議歸昭太守請擇之昭以手

非

公不聞此語趙辨嚴吾行矣既至宴坐一

一榻足不越

金月口屋石書

俱往不然有死而已昭笑曰老病業已不出院借往當 承天寺致之使三及不赴使者受罰後至曰必欲得師 圆守芝號上首叢林知名龍德府尹李侯與昭有舊虚 僧金錫光請法到汾陽六人成大器勘請為敷揚時楚 告寒 昭龍夜参有異比丘 振錫而至謂昭日會中有大 士六人奈何不說法言訖陞空而去昭密記以偈曰胡

閩者三十年天下道俗慕仰不敢名同曰汾州开汾地

先後之何必俱耶使者曰師諾則先後唯所擇昭今饌

椰林偕寶傳

大己日本 白馬

赞曰風穴倦將見草屋單丁止住者七年首山精嚴不 金罗巴尼白電 出山者二十年汾州儼臨人天不越闢者三十年是皆 設且俶裝曰吾先行矣停箸而化閱世七十有八坐六 **予吾何足以知之然觀其死生之際如賈胡傅更留即** 哲人事業之見於微細者也然猶卓絕如此况其大者 留去即去嗚呼是其所以起臨濟也 十五夏 禪林僧寳傳卷三

禪 忽棄舟從芙蓉山靈訓禪師斷髮詣南昌開元道玄律 欽定四庫全書 **火モコーニュー** 師所受具足戒芒藥布衲食才接氣宴坐終日衆異之 師名師備福州閩縣謝氏子少漁於南臺江上及壯 金陵清涼益禪師 福州玄沙備禪師 林僧寶傳卷四 福州玄沙備禪師 揮林僧實傳 青原六世 漳州羅漢琛禪師 宋 釋惠洪 撰

也何不偏參去對日達磨不來東土二祖不往西天雪 兄視雪峰而師承之雪峰呼為頭陀每見之曰再來人 性必須對其塵境如枯木寒灰但臨時應用不失其宜 豈有异沈建立非真不屬造作動即涉塵勞之境静則 經冥各諸方有未明要義皆從决之備曰佛道間曠無 峰然之備結屋玄沙衆相尋而至遂成叢林說法與契 沈昏醉之鄉動静雙泯即落空亡動靜雙収即漫汗佛 有途程無門為解脱之門無見作道人之見不在三除

多月四周全書

邊表圓覺空中不動搖吞燃乾坤逈然照出世者元無出 **間不昧作用不涉塵泥若纖毫不盡即洛魔界且句前** 響鼓中無鐘聲鐘鼓不交參句句無前後如壯士展臂 影像三界絕行蹤不墮往來機不住中間相鐘中無鼓 入蓋名相無體道本如如法爾天真不因修證只要虚 不借他力如獅子遊行豈求伴侣九霄絕翳何用穿通 如鏡照像不亂光輝如鳥飛空不雜空色所以十方無 段光明未曾昏昧到者裏體寂寂常皎皎赤赫餤無

次已四年全等一

椰林僧實佛

句後是學入難處所以云一句當機八萬法門生死 行處滅直得釋迦掩室於摩竭淨名杜口於毘耶須苦 至今無處所步步登玄不屬邪正識不能識智不能知 無反回勢所以牢籠不肯住呼唤不回頭古聖不安排 絕直似秋潭月影靜夜鐘聲隨扣擊以無虧觸波瀾 不散猶是生死岸頭事道人行處如火消冰箭既離 唱無說而顯道釋梵絕視聽而雨華與麼現行無疑 便失宗覺即迷古二乘膽戰十地魂驚語路處絕心 路 而

前不屬商量不涉文字權名出家兒畢竟無蹤迹真如 旋破除細想才生即便遏捺如此見解即是落空亡底 時人不悟妄自涉塵處處染著頭頭繋絆縱悟則塵境 外道魂不散底死人冥冥冥冥熙覺無知塞耳偷鈴徒 絕不因莊嚴本來清淨動用語笑隨處明了更無欠少 此外更疑何事勿棲泊處離去來今限約不得尋思路 自欺誑我者襄則不然也更不隈門旁户分明句句現 紛紛名相不實更擬凝心斂念攝事歸空隨有念起旋

たこのほとか

禪林僧蜜傅

改變大道 宣有昇沈悟則縱橫不離本際到者 裏凡聖 凡聖地獄天堂皆是療狂子之方都無實事虚空尚無 千方便道如此如彼共相知聞盡成顛倒知見將此 **措意便差借使干聖出頭來也安排他一字不得又曰** 蚋本來平坦何用剝除動轉施為是真解脫纖毫不受 又屬魔王眷屬如如不動沒可安排恰似欲爐不藏蚊 也無立處岩向句中作意則沒溺汝學人岩向外馳求 仁者如今事不發已教我抑下多少威光苦口相勸

多分四月全書

伏呵責夫為人師匠大不容易須是善知識始得我如 過無過唯我自知汝又爭得會若是恁麼人出頭來甘 咽唇吻祇成得箇野狐精業設汝我還肯麼只如今有 底事作麼生不可道如來無說說迦葉不聞聞便當得 會上有千百衆唯有迦葉一人親聞餘皆不聞汝道聞 汝向什麼處措手還會麼四十九年是方便祇如靈山 今恁麽道方便助汝猶尚不能構得可中渾舉宗來是

欠己の巨人的·

否不可是汝修因成果福智莊嚴底事知麼且道吾有 禪林僧實傳

指月所以道大唐國內宗乘未有一人舉唱設有一人 舌去汝諸人賴我不惜身命共汝顛倒知見隨汝狂意 舉唱盡大地人失却性命無孔鐵鎚相似一時亡鋒結 正法眼藏竹屬大迎葉我道猶如話月曹谿堅拂還同 語生解隨照失宗乃示綱宗三句曰第一句且自承當 方有申問處我若不共汝與麽知聞去汝向什麽處得 現成具足盡十方世界更無他故祇是仁者更教誰見 見我會麼大難大難備疾大法難舉罕遇上根學者依

金写四月有書

是明前不明後號為一味平實分證法身之量未有出 言遣言以理逐理平常性相接物利生耳且於宗旨猶 作開方便門使汝信有一分真常流注亘古亘今未有 不是未有不非者然此句只成平等法何以故但是以 誰聞都來是汝心王所為全成不動智只欠自承當喚

所使入到手中便轉換落落地言通大道不墮平懷之

見是謂第一句綱宗也第二句迴因就果不著平常一

尺已可見 /二十 神林僧官傅

格之句死在句下未有自由分若知出格量不被心魔

慈定之門是謂第三句綱宗也因見亡僧謂衆曰亡僧 面前正是觸目菩提萬里神光頂後相學者多溟泽其 如之理方便與作轉位授機生殺自在縱奪隨宜出生 用現前應化無方全用全不用全生全不生方便喚作 之本通其過量之見明陰洞陽廓周沙界一真體性大 妙用現前是謂第二句綱宗也第三句知有大智性相 界之佛性此名二理雙明二義齊照不被二邊之所動 死廣利一切迎脱色欲愛見之境方便與作頓超三

氫牙四屆全書

寺無相律師即前作禮無相拊其首曰若從我乎乃欣 禪師名桂琛生李氏常山人也幼卓越絕酒歲見萬壽 然依隨之父母不逆也年二十餘即剃髮為大僧無相 王審知為內外護審知盡禮延至安國禪院衆盈七百 七十有四坐四十四夏備狀短小然精神可掬與閩帥 石頭之宗至是遂中與之有得法上首羅漢琛禪師 語梁開平二年戊辰十二月二十七日示疾而化閱世 漳州羅漢琛禪師 青原七世

とこのはとい

禪林僧賢傅

之所寄也漳州牧王公請住城西石山十餘年遷止雅 律身而已非真解脱也依文作解宣發聖乎一眾愕然 漢破垣敗簀人不堪其憂非忘身為法者不至僧問如 何是羅漢一句曰我若向汝道却成兩句又問以字不 琛能秘重大法痛自韜晦然叢林指目以為雪峰法道 大發明又事女沙逐臻其與與慧球者齊名號二大士 琛顀笑為無相作禮辭去無相不强初謁雪峰存公不

使習毘尼一日為衆陞堂宣戒本布薩已乃曰持犯但

角穴四周全書

見僧來舉拂子其僧禮拜稱赞琛曰見我堅起拂子便 石山也於時學者英則其旨琛憫之為作明道偈其詞 保福運化也琛曰保福遷化地藏入塔琛時住地藏乃 禮拜赞嘆那裏埽地堅起埽箒為甚不贊嘆有僧來報 子便道指示學人汝每日見山見水可不指示汝耶又 看取其下注脚琛當垂頭颓然坐折木床見僧來即舉 成八字不是是甚字琛曰汝不識此字耶曰不識琛曰 拂子日會麼對日謝和尚指示學人琛曰見我堅起拂 單林肖賢明

直喻真虚真虚誤辨如鏡中現有無雖彰在處無傷 薦取脱却根塵其如不曉謾說而今後唐天成三年戊 **欽定四庫全書** 眼睛不明世界峥嵘我宗奇特當陽顯赫佛及衆生皆 脱 傷無在何拘何礙不假功成將何法兩法兩不爾俱為 屑齒岩以斯陳埋改宗旨宗非意陳無以見聞見聞不 日至道淵曠勿以言宣言宣非指孰云有是觸處皆渠 承恩力不在低頭思量難得拶破面門蓋覆乾坤快須 如水中月於此不明翻成刺法一法有形翳汝眼睛 無

道者無所契悟與善修洪進自漳州抵湖外将發而雨 洛髮指越州開元希覺律師受具足戒及覺公盛化四 禪師諱文益餘杭魯氏子七齡秀發依新定全偉律師 浴安坐而化閱世六十有二坐四十二夏闍維収舍利 1.10 mm 明益往習毘尼工文章覺大竒之俄辭去初謁長慶稜 于秋琛復至閩城舊止徧游近城諸刹乃還示微疾沐 建塔有得法上首清凉益樿師 金陵清凉益禪師 輝林僧野專 ,青原八世

堂有老僧坐地鑪見益而曰此行何之曰行脚去又問 如何是行脚事對曰不知曰不知最親益疑之三人者 已成行琛送之問曰上座尋常說三界唯心乃指庭下 起去並大驚周行廊應讀寺額曰石山地藏顧語修輩 地與自己是同是別益曰同僧堅两指熟視曰两个即 附火舉肇公語至天地與我同根處老僧又曰山河大 日此老琛禪師也意欲留止語未卒琛又至雨已止業

銀定匹庫全書

谿壯不可濟爾城隅有古寺解包休於門下雨不止入

身故子方舉拂子示之益曰猴萬象不撥萬象子方曰 刀嗣地藏何意哉並曰以不解長慶說萬家之中獨露 尋皆出世並住臨川崇壽僧子方者問曰公久親長慶 著甚來由安塊石在心頭 耶益無以對之乃俱求決擇 石曰此石在心内在心外益曰在心内琛笑曰行脚 中亦子方於是悟古嘆曰我幾枉度此生益謂門弟子 日趙州曰莫費力也大好言語何不仍舊去世間法尚 不撥萬象益日獨露身亦子方曰撥萬象益曰萬象之

たこうとここ

學林僧衙傳

中得如初夜鍾不見有絲毫異得與麼恰好聞時無 有門佛法豈無門自是不仍舊故諸佛諸祖祇於仍舊 肯不追尋歷劫何曾異今日還會麼今日只是塵劫但 聲子閘何以故為及時節無心曰死且不是 死止於一 向上座道不是時蓋為賺所以不仍舊實公曰暫時自 少向五月一日道便成賺須知較絲毫不得於方便中 切祇為不仍舊忽然非次聞時諸人盡驚愕道鍾子恠 也且如今日道孟夏漸熟則不可方隔一日能較多

多灾四库全書

如汝華睡時不順便喜此是三界唇亂習熟境界不惺 者 真其如鐮何若覷得徹骨徹髓是汝輩力脱未能如是 觀察他什麼樓臺殿閣諸聖未必長把却汝手汝未 也又曰見道為本明道為功便能得大智慧力若未得 而行 此三界可愛底事直教去盡總有鐵毫還應未可祇 便昏亂蓋緣汝輩雜亂所致古人謂之夾幻金即 衣與飯行住坐卧晨祭暮請一 之古今如此也又曰出家兒但隨時及節便得 切仍售便為無事 必

以告汝輩但隨時及節便得若也移時失候即虛度光 去蓋盡大地無一法可見已而又囑曰光陰莫虛度所 道色作非色解還當得石岩與麼會便是沒交涉正是 **陰於非色中作色解於非色作色解即是移時失候且** 寒即寒熱即熱欲識佛性義當觀時節因緣古今方便 口聖人無已靡所不已乃作參同契首言竺土大僊心 無過此語也中間亦只尋常說話夫欲會萬物為自己 不少石頭初看肇論至會萬物為已者其惟聖人宁則

欽定四庫全書

人

在村門實情

剃髮沐浴辭衆訖跏趺而化顏貌久而如生閱世七十 戊午七月十七日示疾李國主駕至慰問甚勤閏月望 萬法匪縁豈觀如幻大地山河誰堅誰變周顯徳五年 心眼聲耳色色不到耳聲何觸眼眼色耳聲萬法成辨 **盐笑曰死急作麽有偈曰三界唯心萬法唯識唯識唯** 曰還見麼曰見並曰竹來眼裏眼到竹邊曰總不與麽 有四坐五十有四夏公卿李建勲已下素服奉全身於 癡狂兩頭走有什麽用處但守分過時好害指竹問僧

由生者耶 赞日玄沙論三句初無金銀銅輪之語不然始與教乘 欽定四庫全書 江寧丹陽鄉建塔益大法眼禪師 異哉琛公精深廣大唯以直下便見擬成刺法為要 林僧寳傅卷四 所能管攝也益以仍舊自處以絕滲漏句為物 幅而永明乃其的孫豈所謂深山大澤龍蛇所

欽定四庫全書母林僧寶傳卷城至

詳校官監察御史臣王爾烈

檢討臣何思釣覆勘

校對官主等臣汪日替 總校官無吉士 臣倉聖脉 **唐禄監生臣曹夢於**

大巴切員 Can 奇之謂人口此兒自奮如此他日未易量也容納之諸 師名慶諸廬陵新淦陳氏子也生而神俊標致閒 **筠州九峰虞禪師** 林僧育專 獨將南昌愛西山往将覽忘返沙門紹鑾與語 州石霜諸禪師青原五 石霜諸禪師 椰林僧暫傳 吉州禾山殷禪師 邵武龍湖開禪師 世 釋恵洪 撰 暇

盛 事之十年如一日乃剃髮指高嶽受具時洛下毗尼之學 不决至道吾智禪師所依止問曰和尚百年後有人 生于祐為大笑明日陞座曰大衆米東有蟲然諸疑終 作勤勞杵臼間甚久祐見之簸處曰檀信物不可拋撒 南宗法道往造大潙時祐禪師席下萬指諸願籍名役 日 日不敢祐俯拾得一粒曰此非抛 諸睨視講席良久而去有勘之者諸不答聞湘中 勿輕此一粒百千粒從此粒生 撒者耶諸擬對之 印即 如是此粒從 問 何 有

金月四月子書

表 五

悟其旨時方為二夏僧去隱於瀏陽之陶家坊人無 者却問諸曰汝適何所問諸理前語智即起去諸於是 極則事如何向伊道智喚沙彌沙彌至智曰添淨新水 古佛耶自是僧多往依之乃住成法席號霜華山山去 秋夏末直須向萬里無寸草處去然對之者多不契諸 道吾窓邇智公将化以諸為正傳葉其衆從諸諸迎居 日何不道出門便是草洞山旋聞其語驚日瀏陽乃有 者有僧自洞山來諸問价公比有何言句曰洞山曰 單木皆所轉 知

欽定四庫全書 正寝智行必掖坐必侍智殁時眾已輻凑如雲謂眾曰 法身非身名為極致而我輩沙門全無肯路岩分即差 為什麽不見師顔諸曰我道徧界不曽藏僧至雪峰舉 來意口空中一片石僧禮拜日會麼口不會諸曰賴汝 似存禪師而曰石霜意旨如何存公曰什麽處不是石 不會汝若會打破汝頭諸坐室中僧寫外問咫尺之間 不分即坐者泥水但由心意妄説見聞僧問如何是西 代時教整理時人手脚凡有其由皆落在今時直至 Į.

作写作

會塔曰無相有得法上首兩人龍湖聞禪師九峰度禪 華二十年學者刻意師慕至堂中有不卧屹然枯株者 不受光啟四年戊申二月二十日已亥安坐而化関世 天下謂之枯木衆唐僖宗聞其名遣使齊賜點加黎諸 霜後傳此語至諸諸笑曰老漢有什麼死急諸不出霜 八十有二坐五十有九夏獒全身於寺之西北隅益普 邵 武龍湖開禪師青原六世 甲本智門於

宗幸蜀親王宗室皆逃亡不相保守聞斷髮逸游人無 終不回聞霜華之風夢寐想見中和元年天下大亂僖 畫不如葷僖宗鍾愛之然以其無經世意百計陶寫之 禪師名普聞唐僖宗太子生而吉祥眉目風骨清真如 之耶諸曰是實事曰師意如何諸曰待按山點頭即 肯以相付乎諸曰勿謗祖師曰天下宗旨盛大豈妄為 知者造石霜諸與語嘆異曰汝聚願力而來乃生帝王 家脱身從我火中芙蓉也聞夜入室怨曰祖師別傳事

欽定四庫全書

表本介写作

堕行雨不職上天有罰當死賴道力可脫聞曰汝得罪L 隱其中聞撥草望烟起處獨進苦行見至欣然讓其盧 城外見山鬱然深秀問父老彼有居者否曰有一告行 住十餘年一日有老人來拜謁聞曰丈夫家何許至此 日上人當與此長揖而去不知所之聞飯木實飲谷而 汝說破聞俯而惟曰大竒汗下再拜即日解去至邵 何求老人曰我家此山有求於師然我非人龍也以疲

大三日三 とこ

帝我何能致力雖然汝當易形來俄失老人所在視坐

禪林僧賓傅

敬之四時以性饗祭閒杖策至廟與之約曰能食素持 山號龍湖邦人聞其事富者施財貧者施力翕然而成 多無水何以成叢林此泉所以延師也泉令為湖在半 **腥穢此山矣念何以報厚徳即穴巖下為泉曰他日衆** 蛇墮地而去項有老人至泣淚曰自非大士之力為血 電砰雨射山岳為搖振而聞危坐不傾達旦晴霽垂袖 榻旁有小蛇尺許延緣入袖中屈蟠暮夜風雷挾坐榻 樓觀將僧至如歸湖之則有神極靈禍福此邦民俗畏

氫舜四周至書

卷五

名但書僖宗二子建王宸益王陞然已失其母氏位 **取然良久撼之已化矣塔於本山益圓覺禪師史不書** 家宗師指示个歇處住山聚衆三十年對人不欲輕分 乎是夕那之父老夢神告語曰聞禪師為我受戒我不 付今日分明說似君我飯目時齊聽取於是飯目安坐 山間将化令擊鐘集衆跏趺而坐說偈我逃世難來出 **復血食祭我當如比丘飯足矣自是神顯異迹護持此** 不殺戒乃可為隣不然道不同不相為謀何山不可居 V. 10 ml 1.1-禪林 僧野傅

薨年月傳不書聞受業受具所讀偈云我逃世難來出 多次四月全書 議次度犯衆曰未可須明先師意古乃可耳衆曰先師 叢林至霜華諸禪師見之謂人曰此道人從上 宗門爪 家疑石霜亦其落髮師歟 何意度日只如道古廟香爐一 牙也諸殁時度作侍者衆請堂中第一座嗣諸住持方 禪師名道處劉氏福州侯官人也容安開豁明霽氣壓 筠州九峰度禪師青原六世 條白練如何會第一

於末山之下住崇福寺僧問無間中人行什麼行曰畜 滅不能脱言卒而脱去度拊其背曰坐脱立亡不無首 回是明一色邊事度日果不會先師意於是第一座者 生行日畜生復行什麼行日無間行日此猶是長生路 座會先師意即未也盧於普會塔之旁三年而去經行 上人曰汝須知有不共命者曰不共什麼命曰長生氣 起炷香誓曰我若會先師意香煙滅則我脱去不然煙

大正司馬上

不常後日大衆還得命麽欲知命流泉是命湛家是身

椰林僧實傳

千波競起是文殊境界一旦晴空是普賢粉榻其次借 多好四屋石書 耳鼻舌莫向意根下圖度作解盡未來際亦未有休歇 採聽看不假兩眼試辨白看所以道聲前拋不出句後 使符信且如諸先徳未建許多名目指陳已前諸人約 分所以古人道擬將心意學玄宗大似西行却向東先 不賴形盡乾坤都來是汝當人个自體向什麼處安眼 什麼體格商量者裏不假三寸試話會看不假耳根試 句子是指月於中事是話月從上宗門中事如節度 卷五

禪師名無殷生吳氏福州人也七齡雪峰存禪師見之 首殷禪師 衆安坐而化塔於寺之西號圓取益大覺禪師得法に 馬遂成法席為泐潭第一世繼海遺蹤也吳順義初告 逢司馬頭陁勸海留止因不復還石門度自九峯往将 利於海唇石門海亦盧塔十餘年乃公馮川上車輪峰 是馬大師殁於豫章開元寺門弟子懷海智熊董裝合 吉州禾山殷禪師青原七世 軍片曾野專

寺基蓋文德中異僧達奚道場遂定居學者雲集唐後 主聞其名詔至金陵問佛法大意久之有旨延居揚州 至九峰度公問汝遠來何所見當由何路出生死對曰 **愛其純粹化其親令出家年二十乃則洛受具辭将方** 婢慇懃殷於是依止十餘年度移居石門亦從之及度 重唇廓闢盲者自盲處笑以手揮之曰佛法不如是殷 **殁去将廬陵至永新見東南山竒勝乃尋水而往有故** 不懌請曰豈無方便曰汝問我殷理前語問之曰奴見

多定四库全書

自體何處安眼耳鼻舌而其子殷公臨化日後來學者 未識木山即今識取余觀其父子兄弟語言行復如形 明説似君我敛目時齊聽取九峰言盡乾坤是汝當人 赞曰石霜言徧界不曽藏而其子聞公臨化曰今日分 泊然而化関世七十坐夏五十益法性禪師塔曰妙相 開方丈集大眾曰後來學者未識不山即今識取於是 禪師建隆元年庚申二月示有微疾三月二日令侍者 祥光寺 懇解歸西山詔住翠 嚴又住上藍寺賜號澄源

九巴日華 白馬

神林 僧實傳

者影出聲呼谷應而近世禪者尚付思可悲憐也 金罗口五人 禪林僧實傳卷五 巷五

大王日斯 Air 自豫章來夜語及洞上法席於是一鉢 南來造新豐謁 **穩言少理多十歲出家於范陽延壽寺又十五年乃成** 禪師名道曆幽州玉田人也生於王氏兒稚中骨氣深 欽定四庫全書 大僧其師使引毗尼非其好棄之将方至翠微會有僧 禪林僧實傳卷六 南康雲居宏覺膺禪師 雲居宏覺膺禪師青原六世 輝林僧寶傳 宋 洛浦安禪師 釋恵洪 摨

時祇對容以為入室膺深入留雲峰之後結庵而居月 愁佛不解語欲得如是事還須如是人若是如是人愁 法其下曰佛法有什麽多事行得即是但知心是佛 號雲居衲子亦追求而集散處山間樹下久成当架說 登歐阜歐阜盧山西北峰冠世紀境也就樹縛屋而 更道對曰向上即不名道膺价喜以為類其初見雲品 悟本价禪師价問汝名什麽對曰道膺价曰何不向上 來調价价呵其未忘情於道為雜乃焚其魔去海昏 居

金月口屋石書

時如何答曰六六三十六日會麼僧曰不會曰不見道 挂角時非但不見踩跡氣息也不識僧便問廳羊挂角 間更無過也盡說了合殺頭人總不信受元來自己即 如是事饒汝說得簇花簇錦相似直直我放光動地世 來他根本脚下實有力即是不思議人握土成金若無 箇什麼岩云如是事即難自古先德淳素任真元來無 巧設有人問如何是道或時答厩甎木頭作麽皆重元 下虚無力汝等譬如獵狗但尋得有蹤跡底岩遇醫年

次已日奉在告 -

神林僧寄傳

並 · 房家行脚到處寬相似語所以尋常向兄弟道莫 識好惡若不識尊早良賤不知觸犯信口亂道也無利 莫當等間者裏是什麼所在爭受容易凡問个事也須 語汝若會迎業不覆藏乃日僧家發言吐氣須有來由 怪不相似恐怕同學多去第一莫将來将來不相似言 語膺呼問者名曰會麽曰不會曰汝若不會世尊有密 語也須看他前頭八十老人出場屋不是小兒戲不是 無蹤跡又問世尊有密語迦葉不覆藏如何是世尊密

多以中国人司里

心岩臘月弱口邊直得醭出不是强為任運如此欲得 慘悚戰異始得若是知有底人自解護惜終不取次十 容易不著力敲骨打髓須有來由言語如鉗如夾如鈎 度發言九度休去為什麽如此恐怕無利益體得底 如鎖須教相續不斷始得頭頭上具物物上明豈不是 因循底事一言參差即千里萬里難為収攝益為學處 得妙底事一 到者裏有什麽္既處有什麽擬議處向去底人須常 | 種學大須子細研窮直須諦當的的無差

In comp by the come to

椰林僧霸傳

與麽事須是與麼人既是與麽人不愁任麽事任麽事 界宣况更多差之毫釐過犯山岳不見古人道學處不 及盡始得無過方得出身若有一毫髮去不盡即被塵 簇花簇錦也無用處未離情識在若一切事須向者裏 如今方木逗圓孔中多少聲記若無與麼事饒汝說得 什麽閒如今擬將有限身心向無限中用有什麽交涉 即難得又曰汝等直饒學得佛邊事只是錯用心了也 不見古人講得天花落石點頭尚不干自己事自餘是

金罗四屋石書

事如日出時光照世間明朗是一半那一半喚作什麼 及取去及去及來併盡一切事始得無過如人頭頭上 如今人未認得光影門頭戶底廳淺底事將作屋東 了物物上通祇與作了事人終不與作尊貴將知尊貴 **玄盡是流俗閨阁中物捨不得俱為滲漏直須向者裏** 相對光明相照更無虧盈宣不是一般猶喚作影像邊 路自别便是世間極重極貴物不得將來向尊貴邊 知不可思議不當好心所以古人道猶如雙鏡光光

欠近日日本

柳林僧實傳

者無厭惡從天降下即貧窮從地湧出即富貴門裏出 又爭得又曰得者不輕微明者不賤用識者不咨嗟解 苗一言逈脱獨拔當時語言不要多多則無用處僧問 如何是從天降下即貧窮曰不貴得又問如何是從地 身則易身裏出門則難動則埋身千尺不動則當處生 **聚無眾如在聚在身如無身處世如無世豈不是無撓** 無所是行無所依心無所託及盡始得無過在衆如無 湧出即富貴曰無中或有又曰了無所有得無所圖言

事不辨欲知久逐事祇在如今如今若得久遠亦得如 同死人豈况如今論年論月不在如人長在愁什麼家 邊行李那邊有什麼事者邊又作麼生行李所以道有 人意方有少許說話分方有少許行李分暫時不在如 事直似一息不來底人方與那个人相應若體得者个 也莫将來無也莫將去現在底是誰家事又曰欲體此 其徳超於萬類脱一切羈鎖千人萬人得尚道不當自 已如今若得共起初一般古人曰體得那邊事却來者

大巴田田上

禪林僧實傳

粉碎乃曰若有一毫許去及不盡即被塵界宣况更多 鱼罗甲尼石量 去却擲地作金聲不須回頭顀著自餘有什麽用處不 不見尋常道升天底事須對眾掉却十成底事須對眾 和尚後為甚寸絲不掛日直得琉璃殿上行撲倒也須 頭事如人不前後有什麼事僧問有人衣錦繡入來見 為道終日貪前頭事失却背後事若見背後事失却前 切總不是直得頂上光辭生亦不是能為一切一切不 人千鄉萬里歸家行到即是是即一切總是不是即

去去得牢籠脱險難異常徒又曰如掌中觀物決定決 竟不得甚處去通身去歸家去省親去始 脱得諸有門 界道暫時不在塗路便有來由非但惡眷屬善眷屬也 求達磨安心將知此門中事不是等間所以道智人不 二一二不可得不見道顯照底人即易得顯已底人即 定方可隨緣若一如此則千萬亦然千萬之中難為 向言中取得人豈向説中求不是異於常徒息一切萬

てこうこと シュー 一

陣体曾新南

見二祖當時詩書博覽三藏聖教如觀掌中因什麼更

麽大話汝既出家如囚免獄少欲知足莫貪世榮忍飢 即生悩生惱即退道退道則罪來加身即見不得說什 難得不道全無以是希有若未得如此不受强為强為 年秋示微疾十二月二十八日為大衆開最後方便叙 忍渴志存無為得在佛法中十生九死也莫相拋出生 取有事近前無事莫立膺住持三十年道徧天下衆至 死莫達佛法斬釘截鐵莫員如來事宜無多各自了 五百人南昌鍾王師尊之願以為世世師唐天復元

剑灾四库全書

告寂 夾山訝之以書抵安誠使者曰此僧得書不發明日當 濟臨濟稱其俊與可教安自員解去至夾山庵於家顛 師剃髮受具既長通經論初造奉微無所契悟北至臨 禪師名元安生淡氏鳳翔南将人也幼依懷恩寺祐律 出世始卒之意衆皆愴然越明年正月三日問侍者今 日是幾對云初三師云三十年後但云祇者是乃端然 澧州洛浦安禪師青原六世 師片的町身

巣非其同類出去安乃 問曰自遠超風請師一 夾山曰旦暮必至矣俄報安至夾山望見呵曰雞栖鳳 草怒怒雲月是同谿山各異截斷天下人舌頭則不無 之夾山殁衆以安次補住持久移居洛浦謂衆曰末後 闍黎爭教無舌人解語乎安茫然不知答夾山以杖擊 目前無闍黎此間無老僧安曰錯夾山曰住住且莫草 **句始到牢關把斷要津不通凡聖欲知上流之士不** 接夾山曰

欽定四庫全書

來發之不來也安得書果置之不答使者具以告夾山

學人觸目有滞蓋為因他數量作解被他數量該括方 忘諸見諸見者盡唇霧不生智照洞然更無他物以今 若不當陽曉示述子何以知歸欲得大用現前但可頓 見聞便有張三李四胡來漢去四姓雜居不親而親是 非互起致使玄關固閉識鎖難開疑網羅龍智刀劣剪 失其宜祇如鋒芒未兆己前都無是个非个瞥兩暫起 將佛祖言教貼在額上如龜員圖自取喪身之禍指南 路智者知疏學道先須識得自己宗百方可臨機不

時不待人至十二月一日又曰吾旦夕行矣有問問 誠 若道不是即是斬頭寬活堂中第一座對日青山不舉 由謂之深可然傷各自努力唐光化元年戊千秋八 明此人只具一隻眼所以是非欣厭貫系不得脱坼 净潔自己未能通明還同不了若也單明自己法眼 人若對得分付鉢袋子曰若道者个是即是頭上安頭 寸不能移易所以聽不出聲見不超色假饒併當門頭 門弟子曰出家之法長物不留况其他哉切須在念 月 自

鬡定四庫全書

老が信事付

舟不泛倉波上級峽徒势放木喬泊然而化閉世六十 前不是目前法非耳目所到且道那句是實那句是主 安乃歸方丈中夜與彦從至日汝今日祇對老僧甚有 道理據汝合體得先師意古先師道目前無法意在目 去此二途請和尚不問安曰未在更道彦從曰彦從道 彦從先然不知安日苦苦二更時衆請安代荅安曰慈 足日下不挑燈安日去汝扶吾宗不起有彦從上座日 不盡安曰我不管汝道不盡曰彦從無侍者祇對和尚

鵬也膺安似之其絕也理之固然 赞曰洞山价夾山會皆樂山的骨孫其銀鍊鉗鎚可謂 欽定四庫全書 為鵬九萬里風斯在下然聽其自化也使之化則非 妙密然价之宗至膺總有同安不後雲居簡而已會之 有五坐四十六夏 宗遂止於洛浦安公莊子曰北溟有魚其名曰紀 林僧寶傳卷六 奉六僧寶傳 化 能 而

九巴四年在時 三 當出家塵中無置汝所也乃往依龍歸寺剃髮十八 體覺而娘生而傑異年十五有梵僧見之拊其背曰汝 天台國師名德韶處州龍泉人生陳氏母葉夢白光觸 欽定四庫全書 禪林僧寳傳卷七 南康雲居齊禪師 台州天台韶國師 天台韶國師青原十世 椰林僧實傳 瑞鹿先禪師 九峰玄禪師 釋恵洪 撰

提芒繩縛鬼子曰不落古今請師說矮曰不說曰為什 精峭號能齧鏃機韶問百币千重是何人境界矮曰左 麼不說矮日菌中不辨有無韶曰師今善說矮駭之久 要為說遁曰道者汝向後自會去時疎山有矮師权者 又問天不蓋地不載此理如何通曰合如是韶惘然固 日如火與火日忽遇水來又作麼生通日汝不會我語 不契造龍牙道禪師問雄雄之尊因什麽親近不得道 州開元寺受滿分戒後唐同光中調舒州投子庵主

鱼为口尼石量

衪 釋感沸沾衣法眼曰汝當大宏吾宗行矣無自滯於是 有僧問法眼禪師曰十二時中如何得頓息萬緣去法 是曹源一滴水於是韶大悟於座下平生凝滯浜若水 無緣言色為緣則色心不二日用果何物為汝緣乎韶 眼口空與汝為緣耶色與汝為緣耶言空為緣則空本 而解去所至少留見知識五十四人刮磨搜剥窮極隐 聞悚然異之又有問者曰如何是曹源一滴水法眼曰 不知端倪心志俱疲至曹山但隨衆而已無所咨祭

九巴四百七十三月

禪林僧齊傳

将天台觀智者頭禪師遺蹤如故居睹然有終馬之心 忘佛恩漢乾祐元年戊申王嗣國位遣使迎至尊事之 遣使迎之申弟子之禮日夕問道韶曰他日為霸主無 多写 中居 有書 以為國師馬韶說法簡而要撥去枝葉曰古聖方便猶 初寓止白沙時吳越忠懿王以國子刺台州雅聞韶名 汝心妄動若言不撥風播就風播處通取若言風旛動 妙法門我輩稱祖師門下士何以解之若言風猶不動 如河沙六祖曰非風孺動仁者心動是為無上心印至

佛方便一時洞了或問如何是古佛心答曰此問不弱 種解會合如何知悉若真見去何法門不明雖百千諸 道曰恐汝不會問那吒太子析內選母析骨還父然後 又問亡僧遷化向何處去曰終不向汝道曰為什麼不 言非風榴動應須妙會與祖師意旨了沒交涉既非種 化生於蓮花之上為父母說法未審如何是太子身曰 處是什麼岩言附物明心不須認物岩言色即是空岩

大家見上座問故每日大凡言句應須絕滲漏乃可僧

禪林僧賢傅

たこうをたと |

識色中無眼識眼識二俱空何能令見色是眼則不能 說破岩於此明得取静法不取静法也收盡明得逐離 隨問如何是絕滲漏句曰汝口似鼻孔又曰眼中無色 遠必多散失唯新羅國有禪本願精禪師您力致之使 法不遠離法亦以盡未來現在亦無遺餘名一法界 自見其已體若不能自見云何見餘物古聖方便皆為 再開東土人天眼目於是韶以聞忠懿王遣使航海傳 有遮障各自信取僧羲成者謂韶曰智者之教年祀溪 何

到灾四周全誓

贊日開僧問法眼如何是曹源一滴水而法眼但日是 有五夏 皆白二十八日集衆告别而化閱世八十有二坐六十 未華頂西峰忽推聲震山谷六月有星隕於峰頂林木 **馬以還而韶適與智者同姓疑其後身也開實四年辛** 問 曹源一滴水部乃開悟夫問詞答語無所增損所謂悟 者何自而發之及觀韶所對問者如問古佛心對曰此 不弱如問如何是太子身對日大家見上座問則問 平木曾預秀

然也飲 學者方爭趨微妙之城欲見祖師之心譬如趨越而首 各之間不令意根椿立盖當曰大凡言句須絕滲漏而 王寺沙門惠超超陰察之外統深中類異超奇之為落 禪師名通玄生程氏其先郢州長壽人也幼依郢之仁 **師鑒時已臘髙門風益峻門下未有構之者而鑒獨以** 髮受具即将洛中聽毗尼部棄去至武陵詢徳山鑒禪 筠州九峰玄禪師

欽定四庫全書

執弟子禮北面而師事之玄厭城居思超放山林王為 中和初拜解其塔北游久之南還寓止豫章南平鍾王 以為俊士价及廬於塔旁三年而學者來依從日盛女 相尋是無事生事無事生事道人所忌何不各自歌去 曰太平時世飢餐国卧後有何事吾本無事汝與麼來 喜撫之日掌有神珠白晝示人人且按剱况玄夜乎子 **玄為竒然玄不大徹透辭去至高安謁价禪師价與語** 可貴也女口但不識珠者耳慎識之亦無晝夜价稱之

次定四華全与 一

禪林僧衙衙

僧不能對玄以杖逐之玄謂門弟子曰佛意祖意如手 樂八是尋常用者語忌十成不欲斷絕機忌觸犯不欲 買木山建精舍號隆濟以延之學者風靡而至或問自 展握先師安立五位發明雲嚴宗旨譬如神醫治病其 便到女日有不動步者麽僧日有之日爭得到此問其 問僧近自何處來曰閩嶺玄曰遠涉不易曰不難動步 罪福之性如何了達得無同異女曰締絡不禦寒又當 心他心得相見否女曰自己尚不見他人何可觀又問

まりいたんごう

師子座髙一由旬佛於此坐當得阿耨多羅三藐三菩 是斷絕又曰爾時切利諸天先為彼佛於菩提樹下軟 軍已無得阿耨多羅三貌三菩提而諸佛法不現在前 勝佛壽五百四十萬億那由他到其佛本坐道場破魔 法猶不在前言垂成者言一小刦言十小刦者是染汚 如是一小到乃至十小切惟跏趺坐身心不動而諸佛 染污但學者機思不妙唯尋九轉靈丹云能起死是大 不然法華經有化城一品佛祖容說熟讀分明大通智

大巴马巨在的

禪林僧實傳

金万里尼白雪 提適坐此座時諸梵天王雨衆天華面百由旬香風時 餘諸天作天伎樂滿十小封至於減度亦復如是諸比 來吹去萎花更雨新者如是不絕滿十小到供養於佛 七日晨與誠其徒曰無虚度光陰無虚消信施既已出 丘大通智勝佛過十小封諸佛之法乃現在前成阿耨 乃至減度常雨此華四王諸天為供養佛常擊天鼓其 多羅三藐三菩提言過十小刮者偏正回互之旨也祖 師曰籍教悟宗者夫豈不然哉偽唐乾寧三年二月十

赞日嚴頭日但識綱宗本無寒法才言語是十成不欲 てこりも 斷絕機忌觸犯不欲染污者綱宗也至引法華以證成 家唯道是假名大丈夫於是家然在定至三月二十日 **具令其宗枝皆不及玄所示綱宗何也** 至九峰拜其塔碑已斷壞不可識有木碑書其略如此 乃化閱世六十有三坐四十有二夏 明佛祖之密說洋然無疑精教以悟宗夫豈虚語哉余 南康雲居齊禪師青原十世 軍木皆間內

截主如何商略齊曰不東不西法盤曰若與麼會了無 交涉曰未審尊意如何法盤良久曰西來有甚意便去 **叢林學心不息時法鑑禪師住南昌上藍齊往依之法 庚種性猛利經行宴坐以未 明巳事為憂持一鉢徧** 禪師名道齊生金氏南昌人也幼依百丈明照禪師得 齊於是順悟其旨初住高安大愚有搜玄拈古代別之 **经使知藏司法经偶見齊呼曰每見舉祖師西來意話** 語盛行諸方號東禪常謂門弟子曰達磨言此方經 歴

弘定四库全書

1 1

亦不應見此語分明人自迷昧或又問龍濟曰一 不驚何以故以自知其影從自身出故吾以是知不斷 我輩自不領受背員恩德如恒河沙或問曰然則見自 心不見於自心而起於分別可謂大慈悲父如實極談 曰若見現在過去未來亦應見若不見過去未來 現在 分別亦拾心相也祇今目前如實而觀不見纖毫祖師 心遂斷分別乎齊曰非然也譬如調馬馬自見其影而 伽可以印心吾讀此經倡曰諸法無法體而說唯是

..). .

華中曾預寺

聲俱擊應不相參所以玄沙曰鐘中無鼓響鼓中無鐘 果維那日果已集齊笑叙出家本末揖謝輔弼養席者 聲鐘鼓不交參句句無前後若不當體取滅如何得句 者無有住處畢竟空故但部凡夫耳若鼓聲是實有鐘 鼓本無聲如何信之無聲齊曰祖師曰如鼓聲無有作 句無前後耶後移住幽谷山雙林禪院又遷住雲居凡 日今日老僧風火相逼特與諸人相見且向什麼處見 二十年至道三年丁酉九月示疾八日申時令擊鐘集

欽定四庫全書

くこうに ここ 僧問趙州如何是祖師西來意荅曰庭前柏樹子又隨 赞曰余讀大愚東禪碑碑載齊悟契之緣法發曰西來 十有八夏 而誠之曰汝若肯我與麽道我則孤員汝汝若不肯我 曰吾化後當以院事累契瓔乃化閱世六十有九坐四 有甚意以校傳燈曰他家自有兇孫在之語誤也昔有 見則只令相問者是誰若真見得可謂後學有賴良久 向四大五陰處見耶六入十二處見耶是種種處不可 椰林僧戲傳

銀定四库全書 與麽道我則不孤負汝而昧者勒之使古人之意不完 為害甚矣故併録之 瑞鹿先禪師青原十一世

集慶院沙門某年二十五為沙彌詣天台國清寺受滿 禪師名本先生鄭氏温州永嘉人也兒稚不甘處俗去依

分戒即造韶國師服勤十年住稿鹿寺足不歷城邑手 不度財帛不設卧具不衣繭絲如齋終日宴坐申旦誨

誇門弟子踰三十年其志彌厲謂衆曰吾初見天台言

抬求道理説多般狐負平生三事衲又曰曠大劫來祇 如是如是同天亦同地同地同天作麼形作麼形分無 真是好知音又曰若是見色便見心人來問者方難各 確動仁心動自古相傳直至今今後水雲人欲曉祖師 スコロランコー 不是乃又曰華嚴稱佛身充滿於法界是真个也無且 下便薦然十日之内四威儀之中似物疑膺如讐同處 日忽然猛省譬如洗面摸者鼻孔作偈三首曰非風 佛身既已充淌法界菩薩界緣覺聲聞界人天脩羅 從林僧實傳

中央事作麼生如晝日也祇是如晝先日汝問我如晝 常說諸法所生唯心所現且道即今五根所對六境與 界餓鬼畜生地獄界應無處蹲如是理論太煞聲記尋 安坐方丈手結實印謂如畫曰古人曰騎虎頭撩虎尾 日畢工遠近道俗造山唯恐其後是日如平居至干時 調門弟子如晝口為我造箇卵塔塔成我行矣八月望 汝是同耶是别耶同則何不作一塊别則如何說唯是 一心大須著精彩佛法不是等間大中祥符元年二月

多好四届全書

M

妄盡而自返則於生死之際超然自得如此然余每怪 赞曰讀先傅校傅燈語句詳略少異耳夫自心非外, 於是奄然開一目微視而寂開世六十有七坐四十有 前里平日機辯皆不可犯至臨終之日皆弭光泯氣洞 閣如畫特賜默衣 平生所著竹林集十卷詩解千餘首詣闕上進詔熊秘 二夏長史以其事聞有詔本州常加檢視如畫乃奉其

乃問騎虎頭撩虎尾中央事作麼生先曰我也弄不出

火起四華全書

桦林僧寶傳

山曰吾閉名已謝臨濟曰誰知吾正法眼藏向這瞎聽 邊滅今先又日我也弄不出嗚呼其有旨要乎

あり P. L. 人二

次已四草公写 一冊 欽定四庫全書 勤公剃髮受具神觀靖深中空外夷以精進為佛事年 禪師名緣徳生杭州臨安黄氏年十七師事東山老宿 二十四偏避諸方爛熳叢席至襄州清谿謁進禪師 禪林僧寳傳卷い 洞山守初禪師 圆通緑徳禪師 圆通縁德禪師青原十世 禪材僧寶傳 南安嚴嚴尊者 南塔光湧禪師 釋息洪 猴

宋公異馬力請往舍利幽谷雙續諸利您無所事去留 楚國宋公齊丘至将經堂僧衆超迎德問經自若宋公 遲不去久之江南李氏有國日德混跡南昌之上藍寺 宣城公费施錢建寺於廬山之陰石耳峯之下開基日 传立睨之德不甚頗谷宋公問上座看甚經德舉示之 **陵問佛法大意留禁中又創寺以居之昭慧后以其子** 以繩貫其褶處夜申其裙以當被後主聞其名致至金 所至颓然默坐而已而學徒自成規矩平生著一衲

金岁口屋台雪

集翰再拜問決勝之策德曰非禪者所知也太平興國 **揖翰怒呵曰長老不聞殺人不眨眼將軍乎德熟視曰** 部曲渡江入寺禪者驚走德淡坐如平日翰至不起不 南後主納土矣而胡則者據守九江不降大將軍曹翰 得金像觀世音於地中賜名圓通馬本朝遣使問罪江 日不至何也德曰公有殺心故爾德自起擊之禪者乃 汝安知有不懼生死和尚耶翰大奇增敬而已曰禪者 何為而散德曰擊鼓自集翰遣裡校擊之禪無至者翰

てきり 早から

椰林馆货件

論輒能講解開元寺有尊宿史忘其名有異能解見湧 馬皆驚因以光湧名之七歲誦詩禮曉大義十三學經 濟禪師 所者木侵留付山中使門人累青石為塔曰他日塔 紅色吾再至也乃化閱世八十坐六十有三夏諡曰道 部分四周分言 二年十月七日升堂曰脫離世緣乃在今日以 師名光湧豫章豐城章氏子母乳之夕神光照庭廐 南塔光湧禪師 南缶 六世 衲衣

麽 湧曰若更有所似與驢何别石亭大驚曰凡聖兩忘 事之遠遊何為湧因南歸執勤累歲先是石亭見來參 **嘆曰法中俊人也以維摩經旨訣授之時仰山寂禪師** 對口光湧見和尚亦不似佛石亭曰若不似佛似箇什 者必問曰來作麽曰禮覲和尚又問還見和尚麽曰見 戴律師受消分戒北遊謁臨濟臨濟曰汝師明眼乃不 往南昌之石亭寺湧父事之得度十九詣襄州壽山寺 又問和尚何似驢參者無能對脱對亦不契忍問湧湧

20.10 int 1.1-

你林僧看傳

仰山偽唐昇元二年夏無疾而化閱世八十有九坐七 得已從之遂嗣石亭法席學者歸之如雲十四年秋遷 傳盡禮迎至府使至不起於是州牧縣尹至不起道俗 又然第二指以報親偽唐天祐元年南昌帥南平王鍾 利根當自保任吾不能盡子異日當自知耳指以謂人 情盡體露吾以此語驗人已二十年無决了者噫子真 順集亦不起乃共訴之曰師不起貽郡縣之咎於是不 日此子肉佛可以化人也石亭殁湧然第三指以報法

多好四周全書

十夏 輒不食危坐終日母品試之不餧亦不索年十六跪白 禪師名守初出於傅氏鳳朔良原人也兒時聞鐘梵聲 洞山守初禪師 **青原七世**

離何處對日查渡又問夏在何處對日湖南報慈又 秦自襄漢南至長沙坐夏夏休詣雲門偃禪師偃問近 律師淨圓受具足戒始遊律肆執卷坐睡棄去悲成 出家日許之依渭州崆峒沙門志診剃髮詣涇州舍

大百日年 公告

椰林偕實例

幾時離對曰八月二十五偃曰放汝三頓棒初罔然良 久又申問曰適來祇對不見有過乃家賜棒實所不晓 抵襄漢偽漢乾祐元年衆請住洞山禪其律居謂學者 日正當於無人煙處不畜粒米飯十方僧即日辭去 偃呵曰飯袋子江西湖南便與麼去初點悟其旨曰他 啐啄同時眼不具碎啄同時用到此實難得人但愛不 曰語中有語名為死句語中無語名為活句諸方只具 塵不撥一境見事便道若此輩東西南北不知

鱼岁口

人

世八十有一坐六十有五夏 無所及若是衲僧凍殺餓殺終不者渠鶻臭布衫本朝 數要得脫略窠臼活人眼目不道都無但可言少皆 九三四軍全書 太平興國六年尚書石公襄即趙公交章奏初有道行 尾胡孫臘月三十日鼓已打破胡孫走却手脚忙亂悔 不達根原落在陰界妄以為安不知陷在死水弄个無 四十年道徧天下淳化元年秋七月無疾跏趺而化閱 化於此邦補助聖化有旨賜徽號然伽黎旌異之住山 禪林僧寶傳 Ь

多りなんと言 與卧像寺沙門契緣為童子十七為大僧将方至廬陵 謁西峰耆宿雲豁豁者清涼智明禪師髙弟雲門嫡孫 禪師諱自嚴生鄭氏泉州同安人也年十一棄家依建 為行人害公為說偈誠之而蛟飘去過黃楊峽渴欲飲會 乞還山公依止五 年密契心法辭去渡懷仁江有 蛟母 也太宗皇帝嘗詔至闕館於北御園舍中習定久之怨 溪涸公以杖擿之而水得父老來聚觀合爪以為神公 南安嚴嚴等者青原十世

法聽者疑信半因不語者六年丹寺當翰布而民歲代 畫險勁如擘窠大篆吏大怒以為狂且慢已去僧伽黎 外野僧死雲外野僧燒二法無差互菩提路不遙而字 念而獲家畫其像飲食必祭鄰寺僧死公不知法當告 官便自焚之吏追捕坐庭中問狀不荅索紙作偈曰雲 **遠聞之大鷲争敬事之民以雨 賜男女傳者隨其欲應** 遯去武平南黄石巖多蛇虎公止住而蛇虎可使今 四 日中既得釋因以布帽其首而衣以白服公恨所說 爾林的箭角

挲之曰去去莫與人為害槎一夕蕩除之有僧自惠州 流行自是時亦語去游南康盤古山先是西竺波利尊 顧怒甚追至問狀不答以為妖火所者帽明鮮又索紙 輸之公不忍折簡置布東中祈免更張曄歐陽程者相 來曰河源有巨舟者沙萬牛挽不可動願得以載埤建 者經始讖曰却後當有白衣菩薩來興此山公住三年 作偈曰一切慈忍力皆吾心所生王官告拘束佛法不 而成叢林乃還南安江南眠槎為行舟礙公舟過馬摩

銀定四库全書

こうるこう 之偈曰天寥灞水生陰府船王移奠立沙中久納福廢 塔於南海為衆生福田公曰此陰府之物然付汝偈取 多聞性而事公謹愿公憐之作偈使誦久當聰明偈曰 從借以載僧許之方解絳俄風作夫舟所在有沙彌無 菩提僧即舟倡偈而舟為動萬聚懼呼至五年有巨商 是世間章句吾伊上口公示人多以偈然題贈以之中 大智發於心於心何處尋成就一切義無古亦無今於 四字於其後莫有識其旨者異跡甚者所屬狀以開 師林僧野傅

能 卸定四库全書 贊曰圓通消曹將軍而不屈問軍旅事而不答此其識 有五夏諡曰定光圓應禪師 視置承塵上而已淳化乙夘正月初六日集衆曰吾此 詔嘉之宰相王欽若大祭趙安仁己下皆獻詩公未曾 屑就之此其行高一世也學者囿於法愛故初公語分 日生今正是時遂右脇卧而化開世八十有二坐六十 死所以發其機至於定應則全提大用於其化時曰 知宗也南塔初不受南平王之請及聞移禍及人因

处己四華全旨 際能如彼四老人則正宗已墜之綱尚可理也 吾此日生於化時而口生最後之訓也臨禍福死生之 禪林僧實修

欽定四庫全書 禪林僧質傳卷九 雲居簡禪師 龍牙居遁禪師 龍牙居遁禪師青原六世 永明智覺禪師 釋恵洪 撰

速性夷粹語論英發初謁翠微不契至臨濟亦不契乃

即林智貨官

KAUSIN III

消田寺剃落又六年詣萬嶽受具道風骨癯甚視瞻凝

禪師名居遁生於郭氏撫州南城人也年十四依吉州

然今言法者是朝持之名道是聚生體性未有世界早 語從上已來無法與人只是相承種種方便為說出意 旨令識自心究竟無法可得無道可修故云菩提道自 日無異人心又曰大言修道者此是勸諭之詞接引之 坊間適名請說法於龍牙法濟禪寺僧問如何是道道 勤八年日增智證价稱其能馬氏方據有長沙與崇梵 水逆流即告汝道通豁然大悟研味其旨悲欣交集服 造桐山悟本价禪師問如何是祖師西來意价曰待洞 多页四届全書

作麽生可持以與人又可作意而修得哉僧又問如何 有此性世界壞時此性不滅與作隨流之性常無變易 龜語也日向汝道什麼其僧亦悟又僧問大庭嶺提不 是祖師西來意道日待石烏龜解語即向汝道進日石 起時如何通日六祖為什麼將得去又問維摩掌擎世 對機峻峭無渗漏類如此偽梁龍德五年及未八月示 界表審維摩在什麼處立遁曰汝道維摩掌擎世界其 疾九月十三日夜半有大星殒於方丈前話旦跏趺而 軍林僧育時

蒲團機語在已見洞山之後雪竇以瞎龍死水罪之龍 贊曰余觀龍牙偈曰學道先須有悟由還如曾關快龍 聾皆清深精密如其為人疑問尋微臨濟祖意度禪板 舟雖然舊問閉田地一度贏來方始休君若隨緣得似 牙聞之必大笑 風吹沙走石不勞功但於事上通無事見色聞聲不用 化阅世八十有九坐六十有九夏 永明智覺禪師青原十世

到好四届全書

食無重味持頭陀行當習定天台天柱峯之下有鳥類 榜王聞其風悦慕聽其棄家為剃髮自受具衣不網續 **嵒永明禪師岑公學出世法會岑遷止龍冊寺呉越文** 船萬尾濈濈惻然意折以錢易之放於江裂縫掖投翠 **羣跪而聽年二十八為華亭鎮將當舟而歸錢塘見漁** 及冠日一食誦法華經五行俱下誦六十日而果有羊 智覺禪師者諱延壽餘杭王氏子自其兒稚知敬佛乘 尺鷃巢衣攝中時韶國師眼目世間北面而師事之韶

7/2.10 .21 /.1

雖林的預例

諸縁起減唯諸緣滅乃知色生時但是空生色減時但 此 法於雪寶山建隆元年忠懿王移之於靈隱新寺為第 曰諸法從緣生諸法從緣滅我師大沙門當作如是說 號 慈氏下生指法以佛祖之語 為銓準 曰迦葉波 初聞偈 是空滅譬如風性本不動以緣起故動儻風本性動 曰汝與元帥有緣它日大作佛事惜吾不及見耳初說 佛祖骨髓也龍勝曰無物從縁生無物從緣滅起唯 世明年又移之於永明寺為第二世衆至二千人時

到近四月全書

至所可見者更不可見此緣起無生之旨也僧問長沙 來若去已更不去所以者何來者無所從來去者無所 相而來不見相而見文殊乃曰如是居士岩來已更不 起非特風為然一切法皆然維摩謂文殊師利曰不來 如來世尊於首楞嚴會上為阿難揀別詳矣而汝猶故 死本癡人喚作本來人豈離識性別有真心耶智覺曰 偈曰學道之人未識真只為從來認識神無始時來生 甲木皆河馬

寧有靜時哉密室中若有風風何不動若無風遇緣即

動定匹庫全書 識也岩以識法隨相行則煩惱名識不名心也意者憶 也憶想前境起於妄並是妄識不干心事心非有無有 不信阿難以推窮尋逐者為心遭佛呵之推窮尋逐者 於諸佛亦然故維摩曰直心是道場無虚假故智覺以 並是妄識非心也心本不生令亦不滅若知自心如 此 無不染心非垢淨垢淨不污乃至迷悟凡聖行住坐卧 三宗又互相矛盾乃為重閥館三宗知法此丘更相設 代時教流傳此土不見大全而天台賢首怒恩性相 九

唯立一心之古能攝無量法門此心含一切法耶生一 部西天此土聖賢之語三百家以佐三宗之義為一百 卷號宗鏡録天下學者傳誦馬僧問如和尚所論宗鏡 難至波險處以心宗旨要折中之因集方等秘經六十 **復生心予若言它生即不得自別曰有他予若言共生** 切法即是横岩言生一切法即是從岩言自生則心豈 **魦苍曰此心不從不横非它非自何以知之若言含!** 切法耶若生者是自生嫩從他而生敷共生無因而生 軍本曾行事

得 豈非自生乎又說心不孤起必精緣而起有緣思生無 **尊云何説意根生意識心如世畫師無不從心造然則** 則自他尚無有以何為共哉若非無因而生者當思有 修羅作性自爾故然則豈非無因而生乎智覺笑曰諸 佛隨緣差別俯應群機生善破惡令入第一義諦是四 縁思不生則豈非他生乎又説所緣六觸因緣生六受 因尚不許言生况曰無因哉僧曰審非四性所生則世 切法然則豈非共生乎又說十二因緣非佛天人

彭定匹库全書

絕矣曰此亦强言隨他意轉雖欲隱形而未忘跡僧曰 日境智俱亡云何說契僧日如是則言思道斷心智路 文殊無是文殊若 有是者則二文殊然我今日非無文 種悉檀方便之語如以空拳示小兒耳豈有實法哉僧 非既乖大旨一二還背圓宗僧曰如何用心方稱此旨 切不立俱非耶曰非亦成二汝豈不聞首楞嚴曰我真 日然則一切法是心否曰若是即成二僧曰審爾則 殊於中實無是非二相僧曰既無二相宗一可乎曰是

九三四百七号 一

椰林馆實例

妙之又妙但是方便門中旁贊助人之語於自己分上 祖位終無第二人若未親到謾疲神思借曰女之又女 盡十方世界見一人為伴無有也又曰止是一人承紹 矣要當如人飲水冷暖自知當大悟時節神而明之日 如何得形迹俱忘日本無联迹云何説亡僧曰我知之 親照之時反視之皆為魔說虚妄浮心多諸巧見不能 徒勞辛告說千般此事非上根大器莫能荷擔先德曰 我此門中亦無迷悟明與不明之理撒手似君無一 物

金罗田屋と言

今世間之事衆世界中第一比知第二現知第三約 實道要須如百尺竿頭放身乃可耳僧曰願乞最後一 成就圆覺但以形言迹文彩生時皆是執方便門迷真 且教中所許初心菩薩皆可比知亦許約教而會先以 皆可為人若論修證之門則諸方皆云功未齊於諸聖 言曰化人問幻士谷響答泉聲欲達吾宗旨泥牛水上 行又當謂門弟子曰夫佛祖正宗則真唯識纔有信處 聞解信入後以無思契同若入信門便登祖位且約

解林僧 暫傳

所見好惡境界憂喜宛然覺來狀上安眠何肖是實並 對事分明不待立况且如現見青白等物時物本自虚 若過去未來之境是獨散意識思惟夢覺之境雖殊俱 親相分唯是本識所變者現在之境是明了意識分別 是夢中意識思想所為則可比知覺時之事皆是夢中 而知第一比知者且如即今有漏之身夜皆有夢夢中 無實夫過去未來現在三世境界元是第八阿賴耶識 不出於意識則唯心之旨吃况昭然第二現知者即是

唯心若無於心萬法安寄又如過去之境何曽是有隨 空因心故空有不自有因心故有既非空非有則唯識 念起處忽然現前若想不生境亦不現此皆是衆生日 皆無自性悉是意言故曰萬法本間而人自鬧是以若 以六塵鈍故體不自立名不自呼一色既然萬法咸爾 青為白以意辨為色以言說為青皆是意言自妄安置 J. J. J. I. 不言我青我白皆是眼識分與同時意識計度分別為 有心起時萬境皆有若空心起處萬境皆空則空不自 軍林皆預再

用可以現知不待功成豈假修得凡有心者並可證知 故光德日如大根人知唯識者恒觀自心意言為境此 僧航海問道其國王投書叙門弟子之禮奉金絲織成 宗也智覺乘大願力為震旦法施主聲被異國馬麗遣 者大經云三界唯心萬法唯識此是所現本理能詮正 初觀時雖未成聖分知意言則是菩薩第三約教而知 繼歸本國各化一方以開實八年乙亥十二月示疾二 伽黎水精數珠金深新等并僧三十六人親承印記相

多定四母全書

味其平生如千江之月研其說法如禹之治水孔子之 贊曰予初讀自行錄錄其行事日百八件計其貌狀必 十六日辰時焚香告衆跏趺而化明年正月六日塔於 大怒山閱世七十有二坐四十二夏 文章嗚呼真乘悲願而至者也 開韶界之射王良之御孫子之用兵左丘明太史公之 枯悴尩劣及見其畫像凛然豐碩眉目秀拔氣和如春 要居簡禪師青原七世 輝林的寶科

與語連三日大奇之而誠令刻苦事衆於是簡躬親井 臼司旗爨偏掌寺務不妨商略古今衆莫有知者以臘 言童子剃洛受滿分戒偏遊叢席造雲居謁膺禪師膺 禪師名道簡其先范陽人史失其氏天姿粹美間静寡 髙為堂中第一座先是髙安洞山有神靈甚曆公住三 誰可繼者曰堂中簡主事僧意不在簡謂令揀選可當 茂號安樂樹神屬膺將順取主事僧白日和尚即不 諱· 峰時受服役既來雲居神亦從至舍於枯樹之下而樹

多灰匹库全書

說法者愈曰第二座可然且攝禮先請簡簡豈敢當也 身益覆時如何曰還益得麼問蛇子為什麼吞却蛇師 問如何是和尚家風曰隨處得自在問維摩豈不是金 既申請簡無所辭讓即自持道具入方丈攝衆演法自 人我問如何是朱頂王菩薩曰問者赤頭漢作麼問横 栗如來曰是曰為什麼却在釋迦會下聽法曰他不爭 旦眾追至麥莊悔過迎歸聞空中連呼曰和尚來也僧 如主事僧大沮簡知之一夕道去安樂樹神者號泣詰

大己口臣 Lin

神林僧實傳

金月中屋石書 什麽處諸聖道不得問路逢猛虎時如何曰千人萬人 日在理何傷問諸佛道不得處和尚還道得麼曰汝道 不宿阿誰教汝孤峰獨宿問古人云若欲保任此事直須 不逢偏汝便逢問獨宿孤峰時如何曰問者七問僧堂

絕孤危似汝閨問中軟暖麼又問叢林多好論尊貴邊 向高高山頂立深深海東行意旨如何日高峯深海迎 **優踐明驗而對機應物度越格量天下宗師之壽八十** 如何曰要汝知大唐天子不書斷會麼簡契悟精深

道人行立處塵世有誰爭無問功不立渠懷尊貴生酬 蓋裝是之虎也余為作偈曰高高山上立深深海底行 赞曰大陽明安嘗疏樂山之語曰高高山上標不出深 **君顛倒欲枯木一枝榮** 居之言則如真虎踞地而吼百獸震恐乃悟明安所示 深海底藏不没其兇孫遵承之以為妙得其旨及聞雲 餘無疾而化廬州即張崇為建塔於本山 御林僧野傳

てこつる たい

多方四月全書 :

--

--